

近世詩史 下

柳田文庫  
文庫11  
A1173  
2



文庫11  
A1173  
2

柳田泉文庫

近世詩史下卷

太田真琴編輯

南摩綱紀

正院權大主記字士  
張号羽峯青森縣人

亂後客中作

小笠原勝信  
批點

甲死越州乙野州亂離阻隔獨搔頭故山在眼魚  
鴻絕遠道懷人雨雪稠北海風濤依舊怒東京文  
物入新愁登臨偏怯魂銷盡落日寒雲古驛樓  
兒女避兵男枕戈流離生死果如何懷人情向愁

近世詩史 下卷

邊切感世心。從病裏多。亂後江山空涕淚。客中日  
月易蹉跎。悄然獨剔僧房燭。欲和少陵同谷歌。  
健兒半死計相違。九族分離何所依。古寺寒燈形  
吊影。荒村積雪凍兼饑。原頭白骨無人斂。雲外青  
山有夢歸。誰向九天明曲直。回思家國淚沾衣。  
鵲巢千里遠相依。思入家鄉一涕歔。蕭寺今吾彈  
有劍。荒村憐汝賦無衣。寒雲東去連山岳。飛雪西  
來接海沂。亂後乾坤渾慘澹。病中况復故人違。

秋月胤永

正院七等出仕字子錫号韋軒青森縣人

失題

京洛此時合獻謀。謫居伏病北蝦洲。死埋枯骨還  
非惡。唐太以南是帝州。

寄奧平居正

行無輿兮歸無家。國破孤城亂雀鴉。治不奏功戰  
無畧。微臣有罪今何嗟。聞說天皇元聖明。我公事  
業發至誠。恩賜赦書應非遠。幾回額手望京城。思

以下綱紀評  
心情悲痛

一字一淚  
腸斷神傷

之々々々達晨愁滿胸臆淚沾襟風浙瀝兮雲慘澹何地置君又置親

中井弘三 外務省一等書記生鹿兒島人

發長崎赴上海

遙指扶桑以外天三山五嶽在何邊火船驚忽如飛鳥截破鯨濤萬重烟

入紅海

烟鎖亞羅比亞海雲迷阿非利加州客身已在青

愉快可想

廣而大井蛙如余者

天外九萬鵬程一葉舟

偶懷友人

凍雲籠月海漫々船到歐洲夜轉寒京洛故人無恙否尺素待汝報平安

無名氏 或云土州人某

吊雲井龍雄墓

墨田之花兮可醉蓮湖之月兮可吟憶昔連騎遊遊日櫻花爛熳月沈々錦城春暗辛未年人生沈

不能盡見

浮是天然若有孤信徹亡友感淚成泉至九泉

大久保利通 參議兼內務卿鹿兒島人

戊辰作

任重責大

陞舞千里向關東獨拜天顏恩賜洪一夜難酬臣職重鞠躬願致太平功

澤簡德 若松縣令靜岡人

夜雨有感

任牧民之責者其憂

如此戰餘殘弊何看來一夜鬢將皤無情窗外蕭

自深

々雨偏向芭蕉葉上多

白戸隆盛 陸軍中佐靜岡人

下總國習志野原露營中作

真是露營之景

平原漠不辨西東深夜無燈物色空點滴徹夜營裏雨驚濤衝耳野間風戎駒蹴地蹄生火卷笛穿雲韻破穹枕石衾蒿軍陣事卑尊共卧幕家中

大久保一翁 東京府知事靜岡人

偶成

避喧松下養殘軀。滿案有書聊可娛。誰是人間真  
男子。支頤獨看地球圖。

吉田某

送援本中將赴任魯西亞

唱歌陽關且倚樓。七年五度話離愁。北門動靜須  
任責。邊境風塵何足憂。渭樹江雲夢魂遠。歐山亞  
水客身悠。答恩行道在今日。不是遲々去國秋。

岩上昂

元老院權少書記官土佐人

下淀川

一帶長流入洛通。蓬窻涼迸水車風。半灣蘆竹半  
灣柳。青戰淡烟微雨中。

大分客舍作

如此春風浩蕩何。田園亦自競韶華。異鄉山水非  
無趣。只怕歸期及落花。

前原一誠

長州人戊辰之役有功于王室

逸題

責任極重

真景如画

辛苦可知

于戈未定事如麻。身委艱難不思家。默斬姦臣數  
曆月。十年永負故山花。

全

汗馬鉄衣過一春。歸來欲脱却風塵。一場殘醉曲  
肱睡。不夢周公夢美人。

廣澤安任

号淡烟青森縣人

歸農作

大開牧場

碌々偷生四十年。東車西馬迹相連。故人今若問  
何在。芻草地頭牛睡邊。

故有此作

戊辰獄中作

一日來投堅鎖中。無辜有罪附蒼穹。丈夫名節重  
於死。任汝縱橫論此躬。

從容就義

遊學中作

懷惻

離母遠遊非所安。決然歸去勢亦難。中心兀々支  
頤坐。古社孤鳴曉月寒。

東久世通禧

從三位侍從

龜山營中供西鄉都督一祭

露營半歲勞王師懲罰功名轟四陸回想英雄千古感陰風五月渡瀘時

賢等可想

卷

佐賀縣中隔

佐賀縣兵役中作

散財百萬任人譏今日成功事不非併得火船與銅線天兵一々投好機

良器助捷  
决非浪費

全

欲策征韓萬里功紛紛今日說豐公憐他一着男兒志翻墜危偷鼠竊中

其舉則暴  
其志則可  
怒

全

勤王一戰獨稱楠不負夫君平日談請看奇鋒冒巨賊戎衣痕着鐵丸三

前無堅敵

全

奈此生靈菜色何燹餘村落豈堪過青燐隔水人耶鬼始識前林露宿多

一讀悽然



石井竹陽

字太奇三瀨縣人

題台灣軍記

鄭氏威名數百年。東方英種豈徒然。知否明室遺臣手。已著神州第一鞭。

詠台灣

六大洲開輪艦通。百都一瞬決雌雄。豈圖兩帝堂々陣。徐布彈丸黑子中。

全

戰罷貔貅猶駐台。北京未試使臣才。兩朝損益無人識。唯見歐商船往來。

北條竹潭

米行詩記

余性好漫遊。嘗欲航海外。而歷覽其土地風俗。而未得也。今茲庚申幕廷建議。差使節于米利堅國。申定條約。余乃從外國局隊長成瀨君往焉。因得以償其素志矣。然海資火船。陸用火車。

欵忽往來其所歷殆一萬五千餘里。據我里而

十晦朔之間。一周全地球故其所目不能得其

詳姑詩其二三得三十餘要存其境于髣髴耳。

正月十八日午牌出海軍局駕火輪船。名包

係米利堅所艤西牌發品川港抵橫濱淹留。

遂以念三日辰牌啟程房總之外蒼波渺茫。

與天相際即西人所謂太平洋矣。

火輪蹴浪上舟程蓮岳開顏送君行從是春洋千

萬里風潮勿負太平名。

連日陰晴無常寒風挾雪至念七夜風威殊

烈怒浪過船者屢次失脚船一隻米人云二

十年來所無。

颶母興雲雨霈然魚龍出沒撼坤乾火船不直一

槁葉狂浪簸揚冲半天。

風脉變轉舟路不中算乃慮煤炭虧乏謀至

三維斯焉二月初七單午轉舵南指仲四日

危艱不可言

入合諾魯港。是為三維斯都城。碇泊十二日。  
開港僅經十二年。青欄粉壁。水濱連。桅檣林立。旗  
号閃。渾是西洋商旅船。

二月念七發。三維斯。風順帆飽。船行迅速。  
三月初七夜。坤位有光輝映照。洋客稱為北  
光。蓋電氣也。初九日抵聖浮嵐紫水港。々加  
利福尼一部。清人所謂舊金山者。即此矣。滯  
泊八日。

紫水港。宛如括囊。灣回山繞。好風光。鑛金近日稱  
豐富。商舶來開交易場。

仲八日解纜而發。連日天晴。風順海穩。

語慣蠻音。猶未真。長鬚蓬髮。類西人。舟中稍解洋  
奴俗。一醉俱。顧日曜辰。

次石川桂舟韻

元是天涯漂泊身。航來日久豈傷神。遊蹤願遍五  
洲地。籠絡青瞳被髮人。

三十日船過大陽下。炎熱如燬連。  
月初五抵巴那馬港。此間土地狹。  
北米利堅方界之處。

画趣

一簇人烟接海灣。春潮拍々浴鷗閑。此  
池景。松塢蘆洲似假山。

初六日捨船上火輪車。下辰發巴那  
風起。颭疾如箭。左右不辨物。至聖波  
憇。下午抵西斯邊亞爾。此間鐵路二

一瞬千里  
非誣也

鍊道蜿蜒絕萬坡。火輪倏逐伏蛇過。路倥  
難得。恍訝奔流漲碧波。

亞斯邊亞爾為巴那馬東邊。米人鱗  
而埃。名路初八日拔錨開駛。沿古巴

是可灣。遶佛羅里達岬而東。念三日  
郎。是為華盛頓河口。翌念四日移坐  
火輪也。徹夜溯洄。念五已牌抵華盛  
合衆國都城矣。入海軍局。遂車馬就

如堵淹留二十五日。

劍銃如林列正兵護軍衛隊肅相迎家々齊表和親意旭旆星旗閃滿城

華盛頓廟

協和建國衆何違曾攘猾奴恣虐威三十三州餘澤遍高墳表德永巍々

四月廿日駕火車發程抵撲爾氏孟兒錢道二十里許車行迅速不出一時此夜為我使

節放烟火現日本使善來之文

車聲馬語晚紛紛街上集觀人如雲烟火呈奇酬使者祭然現出蟹行文

念一辰牌火車發行未牌抵邊爾土兒比亞投宿此間五十餘里有二大河皆鐵橋通火車又有江斷處半里許曰賴斯克巴那火車至岸火船即載而濟之其迅速可驚

輪頭風起響轟々一瞬奔過百里程直到江流斷

交誼之厚可見

真箇英雄

奇巧使人驚且怪

奇機奇巧其智至此乎

途處火船又載火車行。

淹留六日。旅館壯麗。宇比土人稱為合眾國第一。

白壁青欄樓六層。閨房三百。繞階登數條。傳命廊間。鐸一管。分光煤氣燈。懸壁菱花。秋水淨。翻風繡幙。彩雲興。淹留十日。嘗奇饌。牛酪調成。甘脆冰。

愈八日。火車啟行。鐵道三十餘里。抵亞包伊。捨車乘輪船。未牌抵紐約。合眾國大都府也。

蓬萊三山不啻

人口二百餘萬。學校及養病育幼濟貧。啞盲諸院悉備。其繁華軼華盛頓府數等矣。淹留十三日。

其盛可想

高閣層樓千萬家。器塵如沸見繁華。往來不用勞双脚。到處街頭賣馬車。

全

撰衆舉賢政日新。乃知教育遍窮民。啞能手語盲能讀。州內全無廢痼人。

所以為文明國

費長房當  
羞死

全

何必尺書煩置郵。製將電氣化工侔。一條銅線直  
山海傳命零時幾。應酬。

五月仲二上暗輪火船。名扼益十三日正午

解纜南東向。亞多臘海開駛。

異鄉何必願淹留。只恨天涯難再遊。回顧都門情  
未盡。數聲号炮破離愁。

全

誰知二字  
欠佳作直  
當日亦州  
如何

航去地球方半周。歐羅北望水天悠。披圖細閱緯  
經度。足底誰知是我州。

念九日抵綠峯。鳥々阿非里加一部。隸于葡

萄牙。土地礪确。人烟稀疎。僅得購煤炭。碇泊

一日。發船。六月仲四過赤道下。而南。仲六旁

暮看月蝕。

月兔晚摩層浪生。清光猶欠五分。明家山見蝕在

前夜。應自三更到五更。

推算精密

近世詩賦

下卷

十四

至便之船  
亦有此至  
不便

形狀得妙

連日風位不順，船行獨資于火。以故煤炭欵  
匱，海路甚緩，糧水亦乏。每食得一碗耳。  
火船炭盡，任潮流。客恨併牽，饑渴憂蒼，波萬里人  
烟遠，薪水無由扣戶求。

念一日抵羅安達，隸于葡萄牙。聞往昔葡人  
開此港，費財不貲，而土地蒸熱，民不能棲息。  
今甚衰矣。土人黝面拳髮，骨格如獼猴，不辨  
男女，每日購炭運水，申牌拔錨而發。

真箇野蠻

拳髮如螺，膚似漆，身纏布襪，換衣裳。沙頭開店人  
成市，憶起荏城羅漢堂。

七月初八始見南極星，此間連日風濤怒激。  
船脚俯仰，西人稱喜望峯之風濤者，即是十  
七日船向印度，廿日至南緯四十二度餘，愈  
南而寒氣愈甚。

當此流金  
鑠石日為  
得納涼於  
此御

巨艦截波，排海鼉。長風萬里氣方豪，無端身已入  
寒帶。月兔北奔，南極高。



夢氣益字  
宙

次綾部萬里韻

乘孤酬志豈偷安不厭胡風吹拂冠儻使火船如  
我意極南星下破寒冰

次廣瀨松軒韻

航向歸程已三月故園尚在日昇東客心只祈火  
輪力願及菊花離落風

念七八日風濤始穩船乃東駛至八月初八  
北折向東印度

真情

已圍作周  
環如何

半生漂泊事漫遊火船已圍全地球唯恨洋程不  
如意萍蹤獨欠泰西州

思鄉

衷情之切  
惻々動人

曾慰慈心告暫離如今却悔負前辭阿孃夜々秋  
燈下萬里風濤勞夢思

全

旅心誤當  
作船  
真况宛然  
在日

歸旅在路誤心期瘴雨蠻烟情轉悲遙識阿孃對  
秋月呼兄應問弟何遲

作此壯快  
之仲秋南  
樓牛渚無  
顏色

仲秋夜泊瓜哇岬自發羅安達凡四十餘日  
始下錨

此是東西海水關舟通島嶼岬舖間蘓門岸對瓜  
哇岬月照模糊西畢山

十七日抵拔多比亞港此間群島排列碇礁  
甚多恐有糖觸之患且測且進拔多比亞在  
東印度隸于和蘭商船輻湊桅檣林立旁近  
一大埠頭也滯泊九日

標烟百尺聳江濱椰子林間三五鄰風俗自知華  
土近髻奴幾擔賣蒲苜

全

寫出實境  
語亦有風  
致

繞屋園林綠欲迷幾多門巷路東西洞門石室多  
風致不聞先知漢客栖

重陽船抵香港繫纜七日香港道光烟變之  
後隸英國英人曾置英華書院講漢學今學  
員甚衰得新聞紙云八月念九英佛陷北京

海門秋色夜方清。月照連播影縱橫。閑倚船窗閱  
新報。知它西虜入京城。

全

人傳宮殿罹災難。竒策惜無挫。虜肝料識順天城  
裡月。一宵變作曠原看。

十八日發香港。廿日過台灣。鄭成功嘗據  
此地。奉朱明正朔。若干年。聞有朱裔據山東  
而謀恢復者。

真是朱氏之裔

嵯峨連岳聳青空。黛色蒼々氣象雄。此去山東裁  
一水。復生當日鄭成功。

念三日見球島

喜氣溢然上

百有三旬在客舟。歸程已覺入鄉州。旭日影升烟  
浪外。青山一黛是琉球。

自出香港連日秋熱。舟中用葛衣。至念五六  
日。寒氣頓甚。

航過台灣日一匝。火輪添力片帆開。北風頓覺寒

芙蓉雪風  
寒亦不惡

威甚應帶芙蓉峯雪來上日為一回

念七泊三浦岬念八入品川港念八即我念  
七也蓋此行逆日一周地球故問一日

小笠原勝脩

字脩之号千橋若松縣人開拓使八等出仕

亂後作

曉收原上骨夜投原上村々空無雞犬愁懷不可  
言君辱不能死國亡不能存草間猶求活愧彼泉  
下魂

字々悲愴  
語々涕淚

秋夜

無家又無食故舊半黃泉露冷蒹葭月秋高鴻雁  
天乍寒人卧病不寐夜如年莫怪霜侵鬢亂餘憂  
自煎

一讀凄然

歲晚書懷

歲月崢嶸鬢欲皤悠悠心事奈蹉跎南冠空灑新  
亭淚一片山河落日多

多少感慨

大庭機

号松齋青森縣人若松縣少屬嘗在京都梟足利氏木像首囚於信濃上田六年

上田幽囚雜感

豪氣鬱勃

又見秋風起。其如感慨何。壯心猶有在。忠膽未消磨。朝誦幽懷賦。夕吟正氣歌。恨逢多故日。空作楚囚過。

將發上田。用賈嶋渡桑乾詩韻。留別鍾美館諸彥。

喜中有憂 亦是真情

幽囚待命六星霜。何料生還發信陽。莫怪臨歧垂涕淚。多情也似出家鄉。

關場忠武

青森縣中屬 青森縣人

田上途上偶成

慨然俯仰向誰語。不願此身一日寧。誘導將暨民。蠢尔馬蹄踏破萬山青。

田中玄昌

會津人 曾遊學于海外各國

佛京巴里

金殿玉樓巴里都。馬車如織過街衢。土人來鬻多何物。即是那翁勇戰圖。

縣官一日 不可無此

英倫敦府

富強名不  
空也

英國威武天下推。要衝兵備亦嚴哉。圓崖團岸高  
千尺。滿日渾無不砲臺。

柳田友廣

字清卿號蕉鹿鹿兒島人  
正院八等出仕

記橫山正太郎死諫之事兼奠其墓

起得佳

希世之寶出海隅。非璞非璧又非瑜。徑寸志心照  
六合靈光赫々。婉金烏。姓是橫山名安武。狀貌端  
肅而魁梧。靖思深沉存膽略。寤寐憂國形骸懼。一

真忠臣真  
丈夫

朝發憤辭鄉國。書劍千里問鴻儒。願以我君致  
喜曆。願以我民逢唐虞。心謂國家有近患。心謂廟  
堂無遠圖。北宋賢良論新法。西漢學士議均輸。遵  
聖言斯得治道。馳私智必愆機樞。古今事唯如一  
轍。天下治豈有二途。俯觀瀛洲邈渺漫。仰望彼蒼  
茫模糊。雒陽朝野屬崩土。長安禁苑委荒蕪。欲探  
世論覈時事。或問權貴或蒐葛。衷情迫切遂決死。  
此際毀譽何足拘。待詔門前留諫疏。自謂官廳不

可汗。退到鄰門。夜將曉。披襟披。又自割屠。勿謂所  
為出客氣。易箒結纓真丈夫。書奏報到日將午。欣  
然拜闕絕。吸呼骨座。三田綠樹下。神護九重  
紫雲衢。寥寥血誠百世鑑。醇々讜論千載謨。句々  
痛快皆白玉。字々剴切悉明珠。鼎呂是重濟時義。  
鴻毛真輕獻君軀。何讓龍逢比干輩。愧殺秦檜  
王倫徒和氣。敢言稱伯仲。平手死諫爭鎗銖。利已  
害人々皆是。委美從俗君獨無。高節凜乎抽地軸。  
逸氣飄然入天區。後飛廉兮使奔屬。前望舒兮令  
先驅。在天之靈耿不滅。窮天極地參吁俞。

近世詩史下卷終

近世詩集 一冊

室

澤田

明治九年四月一日出版

編輯者

東京第四大區三小區神田五軒町三番地

太田真琴

同 第二大區二小區芝口壹丁目四番地

牧野善兵衛

出版人

同 第一大區六小區通貳町目拾九番地

稻田佐兵衛



010190522291

48-13665



